

Surat khabar: Utusan Sarawak
Hari/Tarikh: 22/04/2012 / Ahad
Muka surat: 5

Tajuk : Penuntut UNIMAS sertai Kursus Kesihatan Keluarga



KURSUS ... Dekan Fakulti Perubatan dan Sains Kesihatan UNIMAS Prof. Dr. Ahmad Hata Rasit (empat kanan) bersama penuntut dan penerima sijil kursus Kesihatan Keluarga (MDP) 10602) Tahun 2 Sesi 2011/2012 Kampung Empila, Samarahan semalam. • Foto: NORDIN MD DIAH

Penuntut UNIMAS sertai Kursus Kesihatan Keluarga

Kunjungan Sarawak 22/04/12 m/s: 5

CHRISTINA ULAU

KUCHING, Sabtu — Seramai 103 orang penuntut daripada Fakulti Perubatan dan Sains Kesihatan (FPSK) Universiti Malaysia Sarawak (UNIMAS) telah menyertai Kursus Kesihatan Keluarga (MDP 10602) Tahun Dua, Sesi 2011/2012 hari ini. Dekan FPSK, Prof. Dr. Haji Ahmad Hata Rasit berkata, melalui kursus itu, semua penuntut telah dijadikan anak angkat kepada 39 buah keluarga dari Kampung Empila, Samarahan bermula bulan Ogos 2010 hingga Januari 2012.

"Kursus Kesihatan Keluarga merupakan salah satu kursus teras yang wajib diikuti oleh setiap graduan tahun satu dan dua, sejak program perubatan diwujudkan di UNIMAS," kata semasa Majlis Apresiasi Keluarga Angkat di Auditorium, FPSK, UNIMAS di sini, hari ini.

Menurutnya, kursus itu dirangka bagi memberi pendedahan kepada para graduan mengenai perkembangan sesebuah keluarga, proses perubahan yang berlaku dalam keluarga, faktor-faktor berkaitan mempengaruhi aspek kesihatan, fizikal atau spritual seseorang individu.

"Dalam kursus itu juga, mereka (peserta) akan mengkaji tahap pengetahuan masyarakat setempat mengenai penyakit berjangkit atau tidak berjangkit, langkah-langkah pencegahan, kawalan serta rawatan," ujarnya sambil memberitahu

amalan perubatan tradisional atau rawatan lain turut menjadi salah satu aspek kajian peserta kursus itu.

Tambahnya, kursus itu akan membantu peserta dalam memperbaiki kemahiran berkomunikasi dengan masyarakat dan membina sahsiah diri yang mantap sebelum bergelar seorang doktor pada masa depan.

Sementara itu, Ketua Kaum Kampung Empila, Samarahan, Bujang Hassan berkata, pendekatan keluarga angkat yang dijalankan oleh FPSK, UNIMAS amat berkesan dalam mendidik keluarga angkat akan kepentingan menjaga kesihatan diri dan persekitaran.

"Melalui kursus ini, amat penting kepada penduduk kampung khasnya keluarga angkat yang berkenaan untuk mengambil inisiatif untuk menambah ilmu pengetahuan dan amalan kesihatan setiap masa," katanya.

Dalam kursus selama dua tahun, antara aktiviti pengajaran dan pembelajaran diadakan ialah, temuduga keluarga angkat dengan borang kaji selidik, mengambil sampel air kencing dan najis dari kanak-kanak, menjalankan ujian penafasan, mengukur berat badan, tinggi, lalilitan pinggang, mengkaji kemalangan dan kecedaran di rumah.

Hadir sama, Ketua Jabatan Perubatan Komuniti dan Kesihatan Awam, FPSK, Prof. Madya Dr. Kamaluddin Bakar, Bekas Dekan FPSK, Tan Sri Datu Prof. Dr. Mohd. Taha Ariff.